



Vaiaso Paia

Ao tatou feagai ai ma le vaiaso e pito sili ona Paia o le tausaga, tatou faalaolao o tatou taimi e tapenaina ai o tatou tagata i lea ga atu i toe aso o lo tatou Alii Faaola; o lona maliu aemaise o lona toetu manumalo mai ile oti ma le tuugamau. Tatou te faanōnō manū ma mafaufau loloto, o mea ua tatou maua mai i le taulaga osi ua sauni mo i tatou ma isi. O lo tatou le tagolima i mea taumafa, faapea foi le utiuti o le faasoā a o tatou uso a tagata, e le o se tatou filifiliga ua afua ai, ae ona ua pau lava o le mea ua mafai ona ausia i si o tatou malosī, e ui i le itiiti ma le le lava.



Ua tago o Ia i areto e lima ma i'a e lua, ona tepa ae lea i le lagi, ua faafetai; ona tofitofi lea i areto, ma avatu i ona soo, latou te laulau atu i ate i latou; ma i'a e lua ua na tufatufa atu ai ia te i latou uma.” Mareko 6:41

O le fialiaga lea o Iesu e faasoā ma taumamafa faatasi ma ana uo poo ona soo. E pei ona molimau le Tusi Paia i le tele o taimi, i le auai o Iesu i la'oai ma talatalanoa atu i tagata uma, o e o loo malaga faatasi ma ia faapea foi tagata e le masani ai i aso faisoo. E na te valaaulia tagata uma e latou te talisua faatasi, ma ia faailoa atu i tagata uma, e i ai lava le avanoa mo soo se tasi i lona la'oai, ma ia mautū i loto ma agaga e i ai lava lo tatou avanoa mo e o fia 'aai. E faapena foi lona toe aso i lenei lalolagi. I le tausama'aga i lona toe po, na ia faamalosi atu ai i ona soo ina fesoasoani i tagata uma. A'o ia mulumulu i o latou vae, na ia fai lea ma faamanatu i le au soo o lo latou valaauina e auauna ma fesoasoani i e vaivai.

Na tatou faalogo ia Iesu i lana faatonuga ina ia fafaga i e fia 'aai, poo lona fafagaina o le to'a afe i potoi areto e lima ma lau i'a e lua, poo le tofitofiina o le falaoa ma ona soo. O le valaaulia lava o i tatou e Iesu e tufatufa atu ma faasoa faamanuiga ma le lalolagi atoa – lo tatou aiga faalelalolagi.

O lea ua a'oa'oina i tatou i le 40 aso o le Letueni i aiga eseese, i le faigata o loo feagai ma i latou. Peita'i o loo taoto ai foi lo tatou tulaga tutusa pe a tatou silasila i le itu o le manaomia o taumafataga i aso uma. Auā o le mea mautinoa e telē le taua o mea'ai o soo tafa o lo tatou soifuaga. Poo lo tatou soifua maloloina, ao le taumafaiga ma le tauiviga faale-mafaufau i totonu o aoaoga. Peitai ua tatou malamalama i le tulaga o le fiaai i o tatou taimi ma lo tatou tali atu.

Ao tatou sauni atu mo le vaiata o le Eseta, ia tatou faasoa atu ni aoaoga ua tatou maua mai nei tamaita'i e toatolu – Trinh, Yvone, ma Maria Ana.

O tala e aumaia le faamoemoe ola ao tatou faamanatuina lenei vaiata o le Letueni, faapea soifuaga o e ua suia ona o nei tala. Poo le a lava le tatou sao o lenei Letueni, ia fai lea ma suiga lelei e le gata o aiga, ma nuu ae maise le lalolagi atoa.

Mafaufau Loloto

E i ai ni suiga o lou olaga na maua mai i lau malaga ma le CRS Ipu Alaisa i lenei vaiata o Letueni?

